



ZAPISNIK O RADU 53. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 28.02.2024. GODINE

Broj: 01-GV-02-352/24
Sarajevo, 28.02.2024. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Adi Škaljić, predsjedavajući Kluba gradskih vijećnika Naše stranke
5. Vedad Deljković, predsjedavajući Kluba gradskih vijećnika „Deljković-Simonović-Čengić“
6. Samir Bejić, predsjedavajući Kluba gradskih vijećnika „Danijela Šahat - Samir Bejić“
7. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
8. Bajro Biber, predsjedavajući Kluba gradskih vijećnika „USD-BOSS“
9. Seid Škaljić, predsjedavajući Kluba gradskih vijećnika „Seid Škaljić - Željko Majstorović“
10. Jasmin Skorupan, predsjedavajući Kluba gradskih vijećnika „Korora/Skorupan“
11. Mila Eminović, sekretar Gradskog vijeća

Odsutni: Muamer Mekić, predsjedavajući Kluba gradskih vijećnika Socijaldemokratske partije BiH i Enisa Spahić, predsjedavajuća Kluba gradskih vijećnika „Enisa Spahić-Amra Zulfikarpašić“

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.06 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa devet glasova „za“ i jednim „suzdržanim“ glasom, **je usvojilo** Zapisnik o radu 52. sjednice Kolegija Gradskog vijeća, održane 30.01.2024. godine.



Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 53. sjednice Kolegija Gradskog vijeća, tako da glasi:

1. Utvrđivanje Izvještaja o radu Gradskog vijeća Grada Sarajeva za 2023. godinu
2. Priprema za održavanje 37. sjednice Gradskog vijeća Grada Sarajeva
3. Priprema za održavanje 38. sjednice Gradskog vijeća Grada Sarajeva
4. Priprema za održavanje Svečane sjednice u povodu 6. aprila – Dana Grada Sarajeva
5. Tekuća pitanja
 - Priprema za održavanje Svečane akademije u povodu 1. marta – Dana nezavisnosti Bosne i Hercegovine
 - Inicijativa gradskog vijećnika Bajre Bibera za dodjelu zahvalnice Grada Sarajeva (*Smajo Halilović*)

Ad 1)

Utvrđivanje Izvještaja o radu Gradskog vijeća Grada Sarajeva za 2023. godinu

U uvodnim napomenama, **Jasmin Ademović, predsjedavajući Gradskog vijeća** je podsjetio da je Kolegij Gradskog vijeća ovlaštenu predlagач Izvještaja.

Naglasio je da će Izvještaj, koji Kolegij utvrdi na današnjoj sjednici, razmatrati sva radna tijela u pripremi 38. sjednice Gradskog vijeća te ukoliko to bude potrebno, održat će se još jedna sjednica Kolegija Gradskog vijeća na kojoj će se Kolegij očitovati o mišljenjima radnih tijela, nakon čega će Izvještaj biti upućen Gradskom vijeću na razmatranje i odlučivanje.

Podsjetio je članove Kolegija da Izvještaj daje pregled rada Gradskog vijeća u 2023. godini, te da je uz kratki uvod i realizaciju Programa rada Gradskog vijeća po oblastima, rad predočen pregledom rada i rezultatima rada sjednica Gradskog vijeća.

Također je podsjetio da su, u Izvještaju, navedeni svi akti Gradskog vijeća Grada Sarajeva objavljeni u „Službenim novinama Kantona Sarajevo“, zaključci koje je donijelo Gradsko vijeće, vijećnička pitanja i inicijative i informacije o toku njihove realizacije, prikazan rad radnih tijela Gradskog vijeća kao i evidencija prisustva na sjednicama Gradskog vijeća i sjednicama radnih tijela Gradskog vijeća.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći **zaključak**:

Kolegij Gradskog vijeća Grada Sarajeva utvrđuje Izvještaj o radu Gradskog vijeća Grada Sarajeva za 2023. godinu koji je u prilogu ovog akta, i upućuje ga Gradskom vijeću Grada Sarajeva na razmatranje i usvajanje.

Ad 2)

Priprema za održavanje 37. sjednice Gradskog vijeća Grada Sarajeva

a) Termin održavanja sjednice i dinamika aktivnosti u pripremi sjednice Gradskog vijeća

U uvodnim napomenama **Jasmin Ademović, predsjedavajući Gradskog vijeća** je podsjetio članove Kolegija da je Okvirnom dinamikom, planirano da se 37. sjednice Gradskog vijeća, na kojoj se odlučuje o dodjeli „Šestoaprilske nagrade Grada Sarajeva“ u 2023. godini održi u **srijedu 13.03.2024. godine**.

Odbor za dodjelu „Šestoaprilske nagrade Grada Sarajeva“ u 2023. godini je završio s radom i podnio je Gradskom vijeću izvještaj o svom radu sa utvrđenim prijedlozima odluka za dodjelu Nagrade i to za dva kandidata za pojedinačnu i dva kandidata za kolektivnu Nagradu.

Poziv za 37. sjednicu Gradskog vijeća bi se trebao uputiti u **utorak 05.03.2024. godine**.

Podsjetio je da se 37. sjednica održava bez prisustva javnosti, tako da se može održati u **Ovalnoj sali Gradskog vijeća, ul. Hamdije Kreševljakovića broj 3.**

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći zaključak:

- 37. sjednica Gradskog vijeća će se održati u **srijedu 13.03.2024. godine u Ovalnoj sali Gradskog vijeća** sa početkom u **10.00 sati**;
- Materijali su upućeni Predsjedavajućem;
- Sjednica Komisije za Statut i akte, u pripremi 37. sjednice Gradskog vijeća, održat će se u **ponedjeljak 04.03.2024. godine**;
- Pozivi gradskim vijećnicima za 37. sjednicu Gradskog vijeća će se uputiti u **utorak 05.03.2024. godine**.

Ad 3)

Priprema za održavanje 38. sjednice Gradskog vijeća Grada Sarajeva

a) Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći zaključak:

- 38. sjednica Gradskog vijeća će se održati u **srijedu 27.03.2024. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **srijedu 06.03.2023. godine**;
- Sjednice radnih tijela, u pripremi 38. sjednice Gradskog vijeća, održati će se **od utorka 12.03. do petka 15.03.2023. godine**;
- Pozivi gradskim vijećnicima za 38. sjednicu Gradskog vijeća će se uputiti u **srijedu 20.03.2023. godine**.

b) Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Izvještaj o radu Gradskog vijeća Grada Sarajeva za 2023. godinu je Kolegij, kao ovlašteni predlagač, na današnjoj sjednici, **utvrdio**, i očekuje se da će biti uvršten u prijedlog dnevnog reda 38. sjednice Gradskog vijeća.

Izvještaj o ostvarivanju politike Grada Sarajeva i aktivnostima gradonačelnice Grada Sarajeva za period 01.01. – 31.12. 2023. godine, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 38. sjednice Gradskog vijeća.

Izvještaj o radu Pravobranilaštva Grada Sarajeva, prema informaciji Pravobranilaštva Grada Sarajeva, **je spreman** i očekuje se da će biti uvršten u prijedlog dnevnog reda 38. sjednice Gradskog vijeća.

Izvještaj o izvršenju Budžeta Grada Sarajeva za 2023. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 38. sjednice Gradskog vijeća.

Informacija o realizaciji javnog dočeka nove 2024. godine, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 38. sjednice Gradskog vijeća.

Informacija o realizaciji projekta sanacije, restauracije i kolorističke obnove fasada za 2023. godinu, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 38. sjednice Gradskog vijeća.

Nacrt Odluke o podizanju Spomen-obilježja civilnim žrtvama rata Kantona Sarajevo, prema informaciji i obrazloženju Gradonačelnice, **nije spreman** i neće biti uvršten u prijedlog dnevnog reda 38. sjednice Gradskog vijeća.

Izveštaj o provođenju Odluke o spomenicima od značaja za Grad Sarajevo za 2023. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 38. sjednice Gradskog vijeća.

Izveštaj o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2023. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 38. sjednice Gradskog vijeća.

Informacija o uspjehu učenika srednjih škola na području Grada Sarajeva u školskoj 2022./2023. godini, prema informaciji i obrazloženju Gradonačelnice, **nije spremna** neće biti uvrštena u prijedlog dnevnog reda 38. sjednice Gradskog vijeća.

Prijedlog Odluke o davanju saglasnosti na Program aktivnosti Dana sjećanja na žrtve zločina protiv čovječnosti u Prijedoru i njegovoj okolini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 38. sjednice Gradskog vijeća.

Informacija o upisu učenika u srednje škole sa područja grada Sarajeva u školskoj 2023./2024. godini, prema informaciji i obrazloženju Gradonačelnice, **nije spremna** i neće biti uvrštena u prijedlog dnevnog reda 38. sjednice Gradskog vijeća.

c) Teme planirane Programom rada Gradskog vijeća Grada Sarajeva za januar i februar 2024. godinu, koje nisu realizovane

Informacija o realizaciji projekta „Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje) za 2023. godinu, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 38. sjednice Gradskog vijeća.

Prijedlog Odluke o izmjeni i dopuni Odluke o načinu sticanja statusa udruženja i fondacija od posebnog značaja za Grad Sarajevo, prema informaciji Gradonačelnice, **će biti pripremljen** i očekuje se da će biti uvršten u prijedlog dnevnog reda 38. sjednice Gradskog vijeća.

d) Novi prijedlozi:

Jasmina Ademovića, predsjedavajućeg Gradskog vijeća je upoznao članove Kolegija da će na sjednici Administrativne komisije, u pripremi 38. sjednice Gradskog vijeća, biti razmatran Prijedlog Odluke o izmjeni Odluke o platama i naknadama u organima Grada Sarajeva te ukoliko Administrativna komisije utvrdi predloženu odluku, očekuje se da će ista biti uvrštena u dnevni red 38. sjednice Gradskog vijeća.

U raspravi koja je vođena vezano za izbor zamjenika predsjedavajućeg Gradskog vijeća iz reda srpskog naroda učestvovali su **član Kolegija Srđan Srdić i Jasmin Ademovića, predsjedavajućeg Gradskog vijeća.**

Član Kolegija Vedad Deljković je pristupio sjednici Kolegija u 14.18 sati.

Benjamina Karić, gradonačelnica Grada Sarajeva je upoznala članove Kolegija da će za 38. sjednicu Gradskog vijeća predložiti i obrazložila prijedloge sljedećih materijala:

1. Prijedlog Odluke o načinu korištenja, održavanja i čuvanja uređenih vodotoka na području Grada Sarajeva
2. Prijedlog izmjena i dopuna Budžeta Grada Sarajeva za 2024. godinu
3. Izvještaj o korištenju sredstava tekuće rezerve

Ad 4)

Priprema za održavanje Svečane sjednice u povodu 6. aprila – Dana Grada Sarajeva
6.aprila bi se trebala održati Svečana sjednica u povodu Dana Gada Sarajeva

U uvodnim napomenama **Jasmin Ademović, predsjedavajući Gradskog vijeća** je upoznao članove Kolegija da će na Svečanoj sjednici biti uručeno najmanje 6 priznanja i nagrada, pored „Šestoaparilske nagrade Grada Sarajeva“.

Predložio je da se Svečana sjednica održi u subotu 06.04.2024. godine u 19.00 sati.

Istakao je da je za pripremu Svečane sjednice zadužena Stručna službe za poslove Gradskog vijeća i druge službe koje rade zajedničke poslove.

U raspravi koja se vodila vezano za dodjelu priznanja „Zahvalnica Grada Sarajeva“ učestvovali su **Benjamina Karić, gradonačelnica Grada Sarajeva, Jasmin Ademović, predsjedavajući Gradskog vijeća i član Kolegija Srđan Srdić.**

Jasmin Ademović, predsjedavajući Gradskog vijeća je podsjetio da je član Kolegija Bajro Biber, u skladu sa dogovorom sa 52. sjednice Kolegija održane dana 30.01.2024. godine, dostavio Inicijativu za dodjelu priznanja „Zahvalnica Grada Sarajeva“, te će ista, nakon sjednice Kolegija, biti prosljeđena Gradonačelnici.

Ad 5)

Tekuća pitanja

Član Kolegija Adi Škaljić je napustio sjednici Kolegija u 14.30 sati.

Benjamina Karić, gradonačelnica Grada Sarajeva je upoznala članove Kolegija o Programu obilježavanja 1. marta - Dana nezavisnosti Bosne i Hercegovine.

Benjamina Karić, gradonačelnica Grada Sarajeva je informisala članove Kolegija da je Grad Sarajevo, blagovremeno, pokrenuo sve postupke javnih nabavki vezanih za projekte Grada Sarajeva.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.35 sati.

SEKRETAR GRADSKOG VIJEĆA

Mila Eminović

PREDSJEDAVALJUĆI GRADSKOG VIJEĆA

Jasmin Ademović, s.r.